



08040

二如亭群芳譜利部目錄

第五冊

藥譜三 共二十種 附錄三種



黃連

黃蘗

黃芩

金銀藤

紫草

群芳譜

藥譜三

三七

紫苑

決明

半夏

牽牛

景天

附慎火樹

穀精

蓖麻

王瓜

麻黃

香薷

紫蘇

薄荷

澤蘭

大風子

群芳譜

藥譜三
目錄

二

群芳譜藥譜三目錄

三如亭群芳譜藥部卷之三

濟南 王象晉蓋臣甫 纂輯

松江 陳繼儒仲醇甫

虞山 毛鳳苞子晉甫 全較

寧波 姚元台子雲甫

濟南 男王與敕 孫士禎曾孫啟楹 詮次

藥譜三

黃連 一名王連 一名支連 江湖荆藥皆有而以

群芳譜

卷三 藥譜

一

宣城者為勝 施黔次之 東陽歙州處州者又次之 苗高尺許 叢生一莖 三葉似甘菊 凌冬不凋 四月開花 黃色 六月結實 似芹子 色亦黃 江左者根黃 節高若連珠 葉如小雉尾 正月開花 作細穗 淡黃白色 六七月根緊 始堪采 蜀道者粗大 味極濃 苦療渴為最 江東者節如連珠 療痢大善 大抵連有二種 一種根粗無毛 如鷹雞瓜 形色深黃而堅實 一種

無珠多毛黃色稍淡而中虛味苦寒無毒止
消渴厚腸胃利骨益膽降火療口瘡其用有
六瀉心臟火一也去中焦濕熱二也諸瘡必
用三也除風濕四也治赤眼暴發五也止中
部見血六也

○製用

布拭去毛漿水浸半日時漉出柳木火
焙乾用黃連入手少陰心經爲治火至
藥治本臟火生用治肝膽實火猪膽浸炒肝
膽虛火醋浸炒上焦火酒炒中焦火姜汁炒
下焦火鹽水或朴硝炒氣分濕熱之火萊萸
湯浸炒血分塊中伏火乾漆水炒食積之火

群芳譜

卷三 藥譜

二

黃土炒不獨爲之引導蓋辛熱能制
其苦寒鹹寒能制其燥性用者酌之

○附錄胡黃連

生波斯國海畔陸地余南海秦
隴間亦有之初生似蘆苗若夏
枯草根頭似烏嘴乾則似楊柳枯枝心黑外
黃折之內似鸚鵡眼塵出如烟者良八月上
旬採苦平無毒治骨蒸勞熱三消五心煩熱
婦人胎蒸虛驚冷熱洩痢厚腸胃益顏色

○療治

肝火爲痛黃連姜汁炒爲末粥糊丸梧
子大每服二十九白湯下一方黃連六
兩吳茱萸一兩同炒爲末神麴糊丸梧子大
每服三四十九白湯下 伏暑發熱作渴嘔
惡及赤白痢消渴腸風酒毒洩瀉諸病並宜
酒煮黃龍丸主之川黃連一斤切以好酒二
升半煮乾焙 研糊丸梧子大每服五十丸熱
水下日三服 陽毒發狂奔走不定宜黃連

寒水石等分爲末每服三錢濃煎甘草湯下
 骨節積熱漸漸黃瘦黃連四分切以童子
 小便五大合浸經宿微煎三四沸去滓分作
 二服 小兒疳熱流注遍身瘡蝕或潮熱肚
 脹作渴猪肚黃連丸用猪肚一個洗淨宣黃
 連五兩切碎水和納入肚中縫定放在五升
 粳米上蒸爛石臼搗千杵或入少飯同杵丸
 菘豆大每服二十九米飲下仍服調血清心
 之藥佐之蓋小兒之病不出于疳則出于熱
 常須識此 三消骨蒸黃連末以冬瓜自然
 汁浸一夜晒乾又浸如此七次爲末以冬瓜
 汁和丸梧子大每服三四丸大麥湯下尋常
 渴只一服見効 消渴尿多黃連末蜜丸梧
 子大每服三十九白湯下 消渴小便滑數
 如油黃連五兩栝樓根五兩爲末生地黃汁
 丸梧子大牛乳下五十九日服忌冷水猪肉

一方黃連末入猪肚肉蒸爛搗丸梧子大
 飯飲下 濕熱水病黃連末蜜丸梧子大每
 服二丸至四五丸飲下日二四服 破傷風
 黃連五錢酒二盞煎七分入黃蠟三錢溶化
 熱服之 小便白淫因心腎氣不足思想無
 窮所致黃連白茯苓等分爲末酒糊丸梧子
 大每服三十九煎補骨脂湯下日三服 赤
 痢久下累治不瘥黃連一兩鷄子白和爲餅
 炙紫爲末以漿水三升慢火煎成膏每服半
 合溫米飲下 一方只以雞子白和丸服
 熱毒赤痢黃連二兩切瓦焙令焦當歸一兩
 焙爲末入麝少許每服二錢陳米飲下佛智
 和尚在閩以此濟人 赤白久痢並無寒熱
 只日久不止用黃連四尺九寸鹽梅七個入
 新瓶內燒烟盡熟研每服二錢鹽米湯下
 赤白暴痢如鵝鴨肝者痛不可忍用黃連黃

群芳譜

卷三 藥譜

四

苓各一兩水二升煎一升分三次熱服 冷
 熱諸痢不問赤白穀滯休息久下悉主之黃
 連長三寸三十枚重一兩半龍骨如碁子大
 四枚重一兩大附子一枚乾姜一兩半膠一
 兩半細切以水五合着銅器中去火三寸煎
 沸便取下坐土上沸止又上水五合如此九
 上九下納諸藥入水內再煎沸輒取下沸止
 又上九上九下度可得一升頓服即止 下
 崩赤白日夜數十行臍腹絞痛黃連一升酒
 五升煮取一升半分再服當止 治赤白諸
 痢裏急後重腹痛宣黃連青木香等分搗末
 白蜜九桐子大每服二三十丸空腹飲下日
 再服効如神久冷者以煨蒜搗和丸之不拘
 大人嬰孺皆効 一方黃連菜萸炒過四兩
 木香麪煨一兩粟米飯丸 小兒冷熱痢加
 煨熟訶子肉 小兒瀉痢加煨熟肉豆蔻

小兒氣虛瀉痢腹痛加白附子尖 久痢加
 龍骨 禁口痢加石蓮肉 痢渴加烏梅肉
 以阿膠化和為丸 五疳入痢用連珠黃連
 一斤分四分一分酒浸一分自然姜汁炒一
 分吳茱萸湯浸一分益智仁同炒去智仁研
 末白芍酒煮切焙四兩廣木香二兩使君子
 仁焙四兩共為末蒸餅和丸綠豆大每服三
 十九丸米飲食前下日三服忌猪肉冷水 傷
 寒下痢不能食者黃連一斤烏梅二十枚去
 核炙燥為末蠟一碁子大蜜一升合煎和丸
 梧子大一服二十九日三服 又方黃連二
 兩熟艾如鴨子大一團水三升煮取一升頓
 服立止 氣痢後重裏急或下泄宜連一兩
 乾姜半兩各為末收每用連一錢姜半錢和
 勻空心溫酒下或米湯下神効 濟生方秘
 傳香連丸用黃連四兩木香二兩生姜四兩

以姜鋪沙鍋底次鋪連上鋪香新汲水三盞
煑焙研醋調倉米糊爲丸如常日服五次
小兒下痢赤白多時體弱不堪宜連用水濃
煎和蜜口服五六次 諸痢脾泄臌毒下血
雅州黃連半斤去毛切裝肥猪大腸內紮定
入沙鍋中以水酒煑爛取連焙研末搗腸和
丸梧子大每服百丸米湯下極効 赤白下
痢日夜無度及腸風下血用川黃連去毛吳
茱萸湯泡過各二兩同炒香揀出各爲末以
粟米飯和丸梧子大各收每服三十九赤痢
甘草湯下黃連丸白痢姜湯下茱萸丸赤白
痢各用十五丸米湯下救人甚効 脾胃受
濕下痢腹痛米穀不化用黃連吳萸二味加
白芍同炒研蒸餅和丸服 腸胃積熱或因
酒毒下血腹痛作渴脉弦數黃連四兩分作
四分一分生用一分切炒一分炮切一分水

群芳譜

卷三 藥譜

五

浸晒研末條黃芩一兩防風一兩爲末麵糊
丸梧子大每服五十九米泔浸枳殼水食前
送下冬月加酒蒸大黃一兩 臌毒下血黃
連爲末獨頭蒜煨研和丸梧子大每空心陳
米飲下四十九 酒痔下血黃連酒浸煑熟
爲末酒糊丸梧子大每服三四十丸白湯下
一方用自然姜汁浸焙炒 雞冠痔黃連末
傅之加赤小豆末尤良 痔漏秘結用此寬
腸黃連枳殼等分爲末糊丸梧子大每服五
十九空心未飲下 痢痔脫肛冷水調黃連
末塗之良 脾積食泄川黃連二兩爲末大
蒜搗和丸梧子大每服五十九白湯下 水
泄脾泄宜連一兩生姜四兩文火炒至姜脆
各自揀出爲末水泄用姜末脾瀉用連末每
服二錢空心白湯下甚者不過二服亦治痢
疾 眼目諸病勝金黃連丸用宜連不限多

少搥碎以新汲水一大盃浸六十日綿濾取
汁入原盃內重湯上熬不任攪之候乾卽穿
地坑深一尺以瓦鋪底將熟艾四兩坐瓦上
燃火以藥盃覆上四畔土封開孔出烟盡取
出刮下丸小豆大每甜竹葉湯下十九男
女肝經不足風熱上攻頭目昏暗羞明及瘡
翳青盲黃連末一兩羊子肝一具去膜搗爛
和丸梧子大每食後暖漿水吞十四丸連作
五劑瘡昔崔承元活一死囚囚後病死一旦
崔病內障逾年半夜獨坐聞塔除窻窻之聲
問之荅曰是昔蒙活之囚今故報恩遂告以
此方而沒崔服之不數月眼復明因傳於世
暴赤眼痛宣黃連剉以雞子清浸置地下
一夜次早濾過雞羽蘸滴目內又方苦竹
兩頭留節一頭開小孔入黃連片在內油紙
封浸井中一夜次早服竹節內水加片腦少

群芳譜

卷三 藥譜

六

許外洗之一方黃連冬青葉煎湯洗
方黃連乾姜杏仁等分爲末綿包浸湯閉目
乘熱淋洗小兒赤眼水調黃連末貼足心
甚妙爛弦風眼黃連十文槐花輕粉少許
爲末男兒乳汁和之飯上蒸過帛裹熨眼上
三四次卽効屢試有驗目卒痒痛乳汁浸
黃連頻點皆上抱朴子云治目中百病淚
出不止黃連浸濃汁漬拭之牙痛惡熱黃
連末搽之立止口舌生瘡黃連煎酒時含
呷之赴筵散用黃連乾姜等分爲末搽之
小兒口疳黃連蘆薈等分爲末每蜜湯服
五分走馬疳入蟾灰等分青黛減半磨少許
小兒鼻蠶鼻下兩道赤色有疳以水泔洗
淨用黃連末傅之日三四次小兒月蝕生
於耳後黃連末傅之小兒食土取好黃土
煎黃連汁搜之晒乾與食預解胎毒小兒

初生以黃連煎湯浴之不生瘡及胎毒 又方未出聲時以黃連煎汁灌一匙令終身不出瘡已出聲者灌之癩雖發亦輕此祖方也 腹中鬼哭黃連煎濃汁母常呷之 因驚

胎動出血取黃連末酒服方寸七日三 妊娠子煩口乾不得臥黃連末每服一錢將飲

下或酒蒸黃連丸亦妙 癰疽腫毒已潰未潰皆可用黃連檳榔等分為末以雞子清調

搽之 中巴豆毒下痢不止黃連乾姜等分

為末水服方寸七 傷寒勞復身熱大小便

赤如血胡黃連一兩山梔子二兩去殼蜜半

兩拌和炒令微焦為末用猪膽汁和丸梧子

大每服十九用生薑二片烏梅一個童子小

便三合浸半日去滓食後暖小便利溫吞之

臥時再服甚効 小兒潮熱往來盜汗胡黃

連柴胡等分為末煉蜜丸芡子大每服一九

至五丸安器中以酒少許化開更入水五分

重湯煮二三十沸和滓服 小兒疳熱肚脹

潮熱發焦不可用大黃黃芩傷胃之藥恐生

別證以胡黃連五錢五靈脂一兩為末雄豬

膽汁丸棗豆大米飲服一二十九 肥熱疳

疾胡黃連黃連各半兩硃砂二錢半為末入

豬膽內紫定以杖子鈞懸於砂鍋內漿水煮

一炊久取出研爛入蘆薈麝香各一分飯和

丸麻子大每服五七丸至一二十丸米飲下

五心煩熱胡黃連末米飲服一錢 小兒

疳瀉冷熱不調胡黃連半兩綿姜一兩炮為

末每服半錢甘草節湯下 滯下純血腹痛

黃連同槐花枳殼乳香沒藥等分煮服神効

口糜口瘡黃連同五味子甘草等分煮濃

汁漱口甚良 小兒黃痘胡黃連川黃連各

一兩為末用黃瓜一個去瓢留蓋入藥在內

合定麩粳煨熟去麩搗丸菘豆大每量大小
溫水下吐血衄血胡黃連生地黃等分爲
未豬膽汁丸梧子大臥時茅花湯下五十九
血痢不止胡黃連烏梅肉竈下土等分爲
未臘茶清下熱痢腹痛胡黃連末飯丸梧
子大每米湯下三十九 嬰兒赤目茶調胡
黃連末塗手足心卽愈 癰疽瘡腫已潰未
潰皆可用之胡黃連川山甲燒存性等分爲
末以茶或雞子清塗之 痔瘡疼腫
不可忍者胡黃連末鵝膽汁調搽之

○典故 荆端王素多火病醫令服金花丸乃苓
連梔栢四味服至數年其火愈熾遂至

內障喪明本草綱目 弘治乙卯長
沙大旱黃連上生王瓜徐禎卿異志

○麗藻贊 黃連味苦左右相因斷涼滌暑闢命
輕身籍雲昔御飛蹕上曼不行而至

群芳譜

卷三 藥譜

八

吾聞其人頌黃連上草丹砂之次禦孽辟妖
劉宋王微 長靈久視驗龍行天馴馬匝地

鴻飛以儀順道
則利梁江淹

黃蘗 一名蘗木 一名黃栢 出邵陵者輕薄色深

爲勝出東山者厚而色淺樹高數丈葉似吳

茱萸亦如紫椿經冬不凋皮外白裏深黃厚

二三分二月五月採皮陰乾性苦寒無毒洩

伏火補腎水堅腎壯骨治衝脉氣逆不渴而

小便不通消五臟腸胃中結熱黃疸女子漏

下赤白陰傷餵瘡男子陰痿及傳莖上瘡除
骨蒸瀉膀胱相火得知母滋陰降火得蒼朮
除濕清熱爲治療要藥得細辛瀉膀胱火治
口舌生瘡元醫陳元素曰黃蘗之用有六瀉
膀胱龍火一也利小便結二也除下焦濕腫
三也痢疾先見血四也臍中痛五也補腎壯
骨髓六也凡膀胱腎水不足諸痿厥腰無力
黃芪湯中加用使兩足膝中氣力涌出痿厥

卽去乃癰瘻必用之藥李時珍曰知母佐黃
栢滋陰降火有金水相生之義黃栢無知母
猶水母之無蝦蓋黃栢能制膀胱命門陰中
之火知母能清肺金滋腎水之化源氣爲陽
血爲陰邪火煎熬則腎水漸涸故陰虛火動
之病須之非陰中之火不可用又必少壯氣
盛能食者用之相宜若中氣不足邪火熾甚
者久服有寒中之變近時虛損及縱慾求嗣

之人用補陰藥以二味爲君久服降令大過
脾胃受傷真陽暗損蓋不知此物苦寒滑滲
有反從火化之害也

○製用 削去粗皮用生蜜水浸半日晒乾每五
度黃藥性寒而沉生用降實火熱用不

傷胃酒制治上鹽制治下蜜制治中

○典故 王善夫病小便不通腹堅如石雙睛凸
出飲食不下腿裂出水痛苦不可名狀

治中滿利小便滲洩之藥遍服無驗李杲診
之曰此奉養太過積熱傷腎水致膀胱乾涸
火又運上爲嘔噦潔古老人謂熱在下焦治
下焦其病必愈遂乃用知母黃藥各一兩酒

群芳譜

卷三 藥譜

十

洗焙碾入桂一錢爲引熟水丸如芡子大每
服二百丸沸湯下少時前陰如刀刺火燒之
狀溺如瀑泉涌出顧盼之間腫脹消散內經
云熱者寒之腎惡燥急辛以潤之以黃藥苦
寒洩熱補水潤燥爲君知母苦寒瀉腎
火爲佐肉桂辛熱爲使寒因熱引也

○療治 陰火爲病大補丸用黃藥去皮鹽酒炒
褐色爲末水丸梧子大血虛四物湯下

氣虛四君子湯下 男婦諸虛百損小便淋
瀉遺精白濁等證黃藥去皮切二斤熟糯米
一升童便九浸九晒蒸過晒研爲末酒煮麩
糊丸桐子大每服百丸溫酒下 上盛下虛
水火偏盛消中等證黃藥一斤分四分用醇
酒蜜湯鹽水童便浸洗晒炒爲末知母一斤
去毛搗熬膏和丸桐子大每服七十九白湯
下入臍毒痔漏下血不止川黃藥皮刮淨一

斤分四分三分用酒醋童尿各浸七日洗晒
焙一分生炒黑色為末煉蜜丸梧子大空心
溫酒下五十丸久服除根 治諸虛赤白濁

川藥皮刮淨一斤分四分酒蜜人乳糯米淋
浸透炙乾切研廩米飯丸如上法服 藥皮

丸黃藥一斤分作四分三分用醇酒鹽湯童
尿各浸二日培研二分用酥炙研末以猪臍
一條去膜入藥在內紫煑熟搗丸如上法服

下血數升黃藥一兩去皮雞子白塗灸為
末水丸綠豆大每服七丸溫水下 小兒下

血或血痢黃藥半兩赤芍藥四錢為末飯丸
麻子大每服一二十九食前米飲下 妊娠

白痢晝夜三五十行藥根黃厚者蜜炙令焦
為末大蒜煨熟去皮搗爛和丸梧子大空心

米飲下三五十丸日三神妙 小兒熱瀉黃
藥削皮培為末米湯丸粟米大每服一二十

丸米湯下 赤白濁淫及夢洩精滑黃藥炒

真蛤粉各一斤為末每服百丸空心溫酒下
黃藥苦而降火蛤粉醜而補腎也又方加知

母炒牡蠣粉煨山藥炒等分為末糊丸梧子
大每服八十九鹽湯下 積熱夢遺心神恍

惚膈中有熱宜清心丸黃藥末一兩片腦一
錢煉蜜丸梧子大每服十五丸麥冬湯下

消渴尿多黃藥切片水一升煮三五沸湯卽
飲之恣飲數日卽止 嘔血熱極黃藥蜜塗

灸乾為末麥門冬湯調服二錢立瘥一時行
赤日黃藥去粗皮為末濕紙包裹黃泥固煨

乾每用一彈子大紗帕包之浸水一盞飯上
蒸熱乘熱薰洗極効一丸可用三二次 嬰

兒赤目在蓐內者人乳浸黃藥汁點之 眼
日昏暗每旦含黃藥一片吐津洗之終身行
之永無目疾 卒喉痺痛黃藥片含之又以

一斤酒一斗煮二沸恣飲便愈 咽喉卒腫
食飲不通苦酒和黃蘗末傅之冷即易 小
兒重舌黃蘗浸苦竹瀝點之 口舌生瘡黃
蘗含之良深師用蜜漬取汁含之吐涎 心

脾有熱舌頰生瘡蜜炙黃蘗青黛各一分為
末入生龍腦一字摻之吐涎 赴筵散用黃

蘗細辛等分為末摻或用黃蘗乾姜等分亦
良又黃栢蜜炒研末傅之如神 口疳臭爛

綠云散用黃蘗五錢銅綠二錢為末摻之漱
去涎 鼻疳有蟲黃蘗二兩冷水浸一宿絞

汁溫服 鼻中生瘡黃蘗檳榔末猪脂和敷
唇瘡痛痒黃蘗末以薔薇根汁調塗立効

養毛毒瘡生頭中初生如蒲桃痛甚黃蘗
一兩乳香二錢半為末槐花煎水調作餅貼

于瘡口 小兒顛腫生下即腫者黃蘗末水
調貼足心 傷寒遺毒手足腫痛欲斷黃蘗

五斤水三升煮漬之 癰疽乳發初起者黃
蘗末和雞子白塗之乾即易 癰疽腫毒黃

蘗皮炒川烏頭炮等分為末唾調塗之留頭
以米泔水潤濕 小兒臍瘡不合黃蘗末塗

之 小兒膿瘡遍身不乾黃栢末入枯礬少
許摻之即愈 男子陰瘡有二種一種陰蝕

作白膿出一只生熱瘡用黃蘗黃芩等分煎
湯洗仍以黃蘗黃栢作末傅之又法黃蘗煎

湯洗之塗以白蜜 賺瘡熱瘡黃蘗末一兩
輕粉三錢猪胆汁調搽之或只用蜜炙黃蘗

一味 火毒生瘡凡人冬月向火火氣入內
兩股生瘡其汁淋離用黃蘗末摻之立愈一

婦病此人無識者用 此而愈 凍瘡裂痛乳

汁調黃蘗末塗之 食自死肉毒黃蘗末水

服方寸匕 歛瘡生
黃蘗末麪糊調塗効

黃芩

一名經芩一名空腸一名腐腸一名肉虛

經芩即片芩乃舊根

一名黃文一名印頭一名妬婦一名苦腎郵

多中空外黃內黑子

內實者名子芩一名狫尾芩一名條芩一名

芩乃新根多內實或

鼠尾芩川蜀河東陝西近郡皆有之苗長尺

云西芩多中空北芩

餘莖粗如筋葉從地四面作叢生亦有獨莖

多內實

者葉細長青色兩兩相對六月開紫花根如

知母長四五寸二八月採根曝乾氣涼味微

苦而甘氣厚味薄得酒上行得猪膽汁除肝

群芳譜

卷三 藥譜

十三

膽火得柴胡退寒熱得厚朴黃連止腹痛得

芍藥治下痢得桑白皮洩肺火得五味牡蠣

令人有子得白朮安胎得黃芪白欬赤小豆

療鼠瘻總之能治上焦皮膚風熱濕熱頭痛

奔豚熱痛火欬肺痿喉腥利胸中氣消痰隔

諸失血疔腫排膿乳癰發背婦人產後養陰

退陽女子血閉淋露下血小兒腹痛李時珍

曰黃芩氣寒味苦色黃帶綠苦入心寒勝熱

洩心火治脾之濕熱一則金不受刑一則胃
火不流入肺卽所以救肺也肺虛不宜者苦
寒傷脾胃損其母也胸脇痞滿實兼心肺上
焦之邪心煩喜嘔默默不欲飲食又兼脾胃
中焦之症宜用黃芩以治手足少陽相火黃
芩亦少陽本經藥也

○療治

三黃丸孫思邈千金方云巴郡太守秦
加減三黃丸療男子五勞七傷消渴不
生肌肉婦人帶下手足寒熱瀉五藏火春三
月黃芩四兩大黃三兩黃連四兩夏三月黃

群芳譜

卷三 藥譜

十四

芩六兩大黃一兩黃連七兩秋三月黃芩六
兩大黃三兩黃連三兩冬三月黃芩三兩大
黃五兩黃連二兩三物隨時合搗下篩蜜丸
烏豆大米飲每服五九日三不知增至七九
服一月病愈久服走及奔馬人用有驗禁食
猪肉 三補丸治上焦積熱瀉五藏火黃芩
黃連黃蘗等分爲末蒸餅丸梧子大每白湯
下二三十九丸 肺中有火清金丸用芩芩炒
爲末水丸梧子大每服二三丸白湯下
小兒驚啼黃芩人參等分爲末每服一字水
飲下 肝熱生翳不拘大人小兒黃芩一兩
淡豉一兩爲末每服三錢熟豬肝裹吃溫湯
送下日二服忌酒麵 少陽頭痛不拘偏正
片芩酒浸透晒乾爲末每服一錢茶酒任下
眉暈作痛風熱有痰黃芩酒浸白芷等分
爲末每服二錢茶下 吐血衄血或發或止

積熱所致黃芩一兩去中心黑朽者爲末每服三錢水一盞煎六分和滓溫服吐衄下血黃芩三兩水三升煎一升半每溫服一盞亦治婦人崩漏血淋熱痛黃芩一兩水煎熱服婦人四十九歲已後天癸當住每月却行或過多不止條芩心二兩米醋浸七日炙乾又浸如此七次爲末醋糊丸梧子大每服七十九空心溫酒下日二崩中下血黃芩爲細末每服一錢霹靂酒下許學士云崩中多用止血及補血藥此方乃治陽乘於陰滓酒中各所謂天暑地熱經水沸溢者也安胎清熱條芩白朮等分炒爲末米飲和丸梧子大每服五十九白湯下或加神麴凡妊娠調理以四物去地黃加白朮黃芩爲末常服甚良產後血渴飲水不止黃芩麥門冬等分水煎溫服無時老小火丹黃芩末水調塗之

群芳譜

卷三 藥譜

五

○典故

李時珍曰子年二十時因感冒咳嗽既久且犯戒遂病骨蒸發熱膚如火燎每

日吐痰盈許暑月煩渴寢食幾廢六脉浮洪遍服柴胡麥門冬荆瀝諸藥月餘益劇皆以爲必死矣先君偶思李杲治肺熱如火燎煩燥引飲而晝盛者氣分熱宜一味黃芩湯以瀉肺經氣分之火遂按方用片芩一兩水二鍾煎一鍾頓服次日身熱盡退而痰嗽皆愈藥中肯脊如鼓應枹醫中之妙有如此哉一人素多酒慾病小腹絞痛不可忍小便如淋諸藥不効偶用黃芩木通甘草三味煎服遂止一人因虛服附子藥多病小便閉服芩連藥遂愈一人灸火至五壯血出不止如尿手冷欲絕酒炒黃芩二錢爲末酒服止

金銀藤

一名忍冬一名通靈草一名鴛鴦草一

秤錘燒紅霹靂酒

名左纏藤一名蜜桶藤一名鷺鷥藤一名老
翁鬚一名金釵股處處有之附樹延蔓莖微
紫色有薄皮膜之其嫩莖色青有毛對節生
葉葉如薜荔而青有濇毛三四月後開花不
絕花長寸許一帶兩花二瓣一大一小長葉
初開者藥瓣俱白經三二日則變黃新舊相
參黃白相映故名金銀花氣甚清芬四月採
花藤葉不拘時俱陰乾氣味甘寒無毒功用
皆同治風除脹解痢逐尸消腫散毒療癰疽
疥癬發背楊梅諸惡瘡皆爲要藥張相公云
誰知至賤之中乃有殊常之効正此類也

○療治

忍冬酒治癰疽發背不問發在何處皆有奇効鄉落貧乏藥材難得但處心服

之俟疽破貼以神異膏其効甚妙忍冬藤生葉一把沙盆研爛入生餅子酒少許稀稠得所塗于四圍中留一口洩毒氣藤只用五兩木槌槌碎不可犯鐵大甘草

入沙盆內水二盃文武火慢煎至一盃入無灰好酒一大盃再煎十數沸去滓分爲三服一日一夜喫盡病勢重者一日二劑服至大小腸通利則藥力到沈內翰云如無生者只

用乾者然不及生者效速 忍冬丸治消渴
愈後預防發癰疽忍冬草根莖花葉皆可不
拘多少入瓶內以無灰好酒浸以糠火煨一
宿取出晒乾入甘草少許研爲細末以浸藥
酒打麩糊丸梧子大每服五十九至百丸湯
酒任下此藥不特治癰疽大能止渴 五痔
諸瘻方同上 一切腫毒不問已潰未潰或
初起發熱金銀花連莖莖葉取自然汁半盞煎
八分服以滓敷上敗毒托裏散氣和血其功
獨勝 疔瘡便毒喉痺乳蛾方同上 敷腫
拔毒金銀藤大者燒存性葉焙乾爲末各三
錢大黃焙爲末四錢凡腫毒初發以水酒調
搽四圍留心洩氣 癰疽發背腸癰乳癰無
名腫毒喉痛實熱狀類傷寒不問老幼虛實
服之未成者內消已成者卽潰忍冬葉黃芪
各五兩當歸一兩廿草入錢爲細末每服二

俗名甜藤

群芳譜

卷三 藥譜

七

錢酒 盞半煎一盞隨病上下服日再服以
滓敷之 惡瘡不愈左纏藤一把搗爛入雞
黃五分水二升瓦礮煎以紙封七重穿一孔
待氣出以瘡對孔薰之三時久火出黃水後
用生肌藥取効 輕粉毒癰方同上 瘡久
成漏忍冬草浸酒日常飲 熱毒血痢忍
冬藤濃煎飲 五種尸注飛尸者游走皮膚
洞穿臟腑每發刺痛變動不常遁尸者附骨
入肉攻鑿血脉每發不可見死尸聞哀哭便
作風尸者淫躍四末不知痛之所在每發恍
惚得風雪便作沉尸者纏結臟腑冲引心脇
每發絞切遇寒冷便作尸注者舉身沉重精
神錯雜常覺昏廢 則大作並是身
中尸鬼引接外邪宜用生忍冬葉割數解奠
取濃汁煎稠每服雞子大許溫酒化下一日
二三服 鬼擊身青作痛金銀花一兩水煎

飲之 腳氣作痛筋骨引痛金花爲末每
服二錢熱酒調下 中野菌毒急采鴛鴦草
啖之 口舌生瘡赤梗蜜桶藤高脚地銅盤
馬蹄香等分以酒搗汁雞毛刷上取涎出卽
愈 忍冬膏治諸般腫痛金刃傷瘡惡瘡金
銀藤四兩吸鐵石三錢香油一斤熬枯去滓
入黃丹八兩待熬至
滴水不散如常攤用

芙蓉
莖
莖音模

紫草

一名紫丹 一名紫芙 一名茈萸 一名藐一

萸音紫
藐音邀

名地血 一名鴉銜草 生碭山山谷南陽新野
及楚地苗似蘭香莖赤節青二月開花紫白
結實亦白紫根色紫可以染紫味甘鹹氣寒

群芳譜

卷三 藥譜

十八

無毒入心包絡及汗經血分涼血和血利大
小腸故痘疹欲出未出血熱毒盛大便秘澀
者宜用得木香白朮佐之尤妙已出而紫黑
閉者亦可用若出而紅活者及白陷大便利
者切忌蓋脾氣實者可用脾氣虛者反能作
瀉古方惟用茸取其初得陽氣以類觸類所
以用發痘瘡今人不達此理一槩用之則非
矣一切惡瘡癘腫毒亦可用

○種植 稔下大佳性不耐水必須高田秋耕深易生草穢

細榜平至春又轉耕之三月種耨耨地逐壟
手下子良田一畝用子二升半薄田三升下
訖榜之或以輕砒碾過地

潔淨為佳壟底草干拔之 刈獲 九月中子熟用鋤恐傷
打取子收草宜速竟為良一把隨以茅束之草嬌嫩也

孽葛尤善四把為一束當日斬齊一顛一倒濕打則子
十層許為長行置堅平地上板石壓之令穉沍鬱才速

兩三宿豎頭置日中曝之令沍沍然五十頭恐遇雨損
作一洪著屋下陰涼處棚棧上棚下勿有驢草

馬糞及人溺又忌烟皆令草失色其利勝藍不壓難售
若欲久停者入五月內著屋中閉門塞向密太乾則碎

泥勿氣風入漏氣過立秋然後開出草色不
黑若經夏在棚棧上草

便變黑不復任用矣 不晒變黑 太燥碎折

群芳譜 卷三 藥譜

九

○製用 秋深子熟傍去其土連根取就地鋪齊
少乾輕振其土以茅策束切去虎稍以頭向外以

之染紫其 色殊美 葛纏縛之

○療治 解毒毒紫草一錢陳皮五分葱白三十
新汲水煎服 一法熱至三四日痘疹

隱隱將出未出色赤便閉者紫草二兩剉百
沸湯一盞泡封嚴勿泄氣待溫時服半合則

瘡雖出亦輕大便利者勿用煎服亦可 痘
毒黑疔紫草二錢雄黃一錢為末胭脂汁調

銀簪挑破點之極妙 癰疽便閉紫草瓜蔓
實等分新水煎服 白禿紫草煎汁塗之

小便卒淋及產後淋瀝紫草一兩為散每食
前并華水服二錢 惡虫咬紫草煎油塗之

火黃身熱宜烙足手心背心百會下廉內
服紫草湯紫草吳藍黃連各一兩木香三錢

水煎服午後却涼身有
紅點或黑點者不可治

三七一名山漆一名金不換生廣西南丹諸州

番峒深山中采根曝乾黃黑色長者如老姜
地黃有節味甘微苦似人參止血散血亦主
吐血衄血下血血痢崩中不止產後惡血不
下血暈血痛赤目癰腫虎咬蛇傷治金瘡箭
傷跌撲杖瘡血出不止嚼爛塗或爲末摻之
血立止青腫者卽消若受杖時先服一二錢

群芳譜

卷三 藥譜

三

則血不衝心杖後尤宜服產後服亦良迺陽
明厥陰血分之藥治一切血病忌鐵器與騏
驎竭紫鈔同以能合金瘡如漆粘物故名山
漆以貴重故名金不換試法以末摻豬血中
血化爲水者真葉功效同

○附錄

近傳一種草云是三七春生苗夏高三
四尺葉似菊艾而勁厚有岐尖莖有赤
稜最易繁衍夏秋間開黃花莖如金絲盤紐
可愛而不香花乾成絮如苦蕒絮根葉味甘
治金瘡折傷出血及上下血病甚効根大如
牛蒡根與南中來者不類恐是劉寄奴之屬

○療治

吐血衄血山漆一錢細嚼米湯送下或

錢研末米泔水調服即愈 大腸下血三七

研末同淡白酒調一二錢服三服可愈加五

分入四物湯亦可 婦人血崩方同上 產

後血多山漆研末米湯服一錢 男婦赤眼

十分重者以山漆根磨汁塗四圍甚效 無

名癰疽疼痛不止山漆磨米醋調塗即散已

破者研末乾塗 虎咬蛇傷山

漆研末米飲服三錢仍嚼塗之

紫菀

一名青菀 一名紫倩 一名菀菀 一名還魂

草 一名夜牽牛 處處有之以牢山所出根如

北細辛者為良 三月內布地生苗五六月開

群芳譜

卷三 藥譜

五

花色黃白紫數種結黑子本有白毛根甚柔

細色紫而柔宛故名二月採根陰乾凡使去

頭鬚及土東流水洗淨每一兩用蜜二分浸

一宿火上焙乾今人多以車前旋復根紫土

柴過偽為之紫菀肺病要藥肺本自亡津液

又服走津液藥為害茲甚不可不慎又有類

紫菀而有白如練色者名白羊鬚草亦宜辨

○製用

連根葉採之醋浸入少鹽收藏作菜辛
香號名仙菜 鹽不宜多易腐 宋興國

時有仕氏色美嫁進士王公輔不遂意鬱久
面漸黑母家求醫一道人用女真散酒下二
錢日二服一月如故求其方用女苑黃丹二
物等分按女苑即白苑一名茆一名女復一
名織女苑即紫苑之色白者也紫苑入血分
白苑入氣分肺氣熱則面紫黑清則面白三
十以後肺氣
漸減不可服

○療治

肺傷咳嗽紫苑五錢水一盞煎七分温
服日三 久嗽不瘥紫苑款冬花各一

兩百部半兩搗羅爲末每服三錢姜三片烏
梅一個煎湯調下日二甚佳 小兒咳嗽聲

不出者紫苑末杏仁等分入蜜同研丸芥子
大每服一九五味子湯化下 吐血咳嗽吐

血後嗽者紫苑五味炒爲末蜜丸芥子大每
含化一九 纏喉風痺不通欲死者紫苑根

群芳譜

卷三 藥譜

三

一莖洗淨納入喉中待取惡涎出卽瘥神效
更以馬牙硝津嚥之卽絕根 婦人小便卒
不得出者紫苑爲末井華水服三
撮卽通小便血者服五撮立止



有二種馬蹄決明高三四尺葉大於苜蓿

而本小末奢晝開夜合兩兩相帖秋開淡黃

花五出結角如初生細豇豆長五六寸子數

十粒參差相逆狀如馬蹄青綠色入眼藥最

良一種茈芒決明卽山扁豆苗莖似馬蹄決

明但葉本小末尖似槐葉夜不合秋開深黃

花五出結角如小指長二寸許子成數列如黃葵子而扁色褐時甘滑二種苗葉皆可作酒麩俗呼爲獨占缸苳芒決明嫩苗及花角子皆可淪爲茹忌入茶馬蹄決明苗角皆鞞苦不可食以能明目得名其子鹹平無毒治目中諸病助肝益精作枕治頭風明目勝黑豆有決明處蛇不敢入外有草決明石決明皆能明目草決明卽青葙子又有苳芒另是

一種生道傍葉小於決明多作飲甚香除痰止渴令人不睡隋稠禪師採作五色飲進煬帝者也

○療治

決明爲末水調貼太陽穴治頭痛貼心胸止鼻衄又消腫毒積年失明決明

子二升爲末食後粥飲服方寸七青盲雀

目決明一升地膚子五兩爲末米飲九梧子

大米飲下二三十九補肝明目決明一升

蔓菁子二升酒五升煮曝乾爲末每服二錢

溫水下日二頭風熱痛及目赤腫痛決明

子炒研茶調傳兩太陽穴乾則易之一夜卽

愈癬瘡延蔓決明子一兩爲末入水銀輕粉少許研不見星擦破上藥立瘥此東坡家

藏方也 發背初起草決明生用一升搗生甘草一兩水三升煮一升分二服大抵血滯則生瘡肝主藏血決明和肝氣不損元氣也肝熱風眼赤淚每旦取一匙按淨空心吞下百日後夜見物光

半夏

一名水玉一名地文一名守田一名和姑

在處有之齊州者爲良二月生苗一莖莖端三葉淺綠色似竹葉三三相偶白花圓上生平澤者名羊眼半夏圓白爲勝五月采則虛小八月采乃實大陳久更佳氣味辛平有毒

群芳譜

卷三

藥譜

三

生微寒令人吐熟溫令人下射于柴胡爲之

使忌羊血海藻飴糖惡皂角畏雄黃秦皮龜

甲反烏頭消痰熱滿結咳嗽上氣心下急痛

時氣嘔逆除腹脹目不得瞑白濁夢遺帶下

○**修治**

洗去皮垢以湯泡浸七日逐日換湯眼乾切片姜汁拌焙入藥或研爲末以姜

汁入湯浸澄三日瀝去涎水曬乾用謂之半夏粉或研末以姜汁和作餅子日乾用謂之

半夏餅或研末以姜汁白礬湯和作餅楮葉包置籃中待生黃衣日乾用謂之半夏麴白

飛霞醫通云痰分之病半夏爲主造而爲麴尤佳治濕痰以姜汁白礬湯和之治風痰以

姜汁及皂莢煮汁和之治火痰以姜汁竹瀝
或荆瀝和之治寒痰以姜汁礬湯入白芥子
末和之比皆
造麴妙法也

○辯訛 江南半夏大乃徑寸葉似芍藥根下相
重上天下小皮黃肉白南人特重之用
之始知其異此乃由跋類半夏而苗不同誤
以爲半夏也 白傍莢子絕似半夏但咀之

微酸不
堪入藥

○療治 治不眠千里流水入升揚萬遍取清五
升炊以葦薪大沸入秫米一升半夏五
合煮一升半飲汁一杯日三以知爲度病新
者覆盆則臥汗出則已久者三飲而已 法
制半夏清痰化飲壯脾順氣則大半夏湯洗
七次焙乾再洗如此七轉以濃米泔浸一日

群芳譜

卷三 藥譜

三五

夜每一兩用白礬一兩半溫水化浸五日焙
乾以鉛白霜一錢溫水化又浸七日以漿水
慢火內煮沸焙乾收之每嚼一二粒姜湯下

紅半夏法消風熱清痰涎降氣利咽大半

夏湯浸焙制如上法每一兩入龍腦五分硃

砂爲衣染之先鋪燈草一重約一指厚排半

夏于上再以燈草蓋一指厚以炒豆焙之候

乾取出每嚼一兩粒溫水下 化痰鎮心祛

風利膈半夏一斤湯泡七次爲末篩過一兩

入辰砂一錢姜汁打糊九梧子大每姜湯下

七十九 消痰開胃去胸膈壅滯半夏洗泡

焙乾爲末自然姜汁和作餅濕紙裹煨香以

熟水二盞同餅二錢入盞五分煎一盞服之
大壓痰毒及酒食傷極驗又方用半夏天南

星各二兩爲末水五升入壘內浸一宿去清
水焙乾重研每服二錢水二盞姜三片煎服

中焦痰涎利咽清頭目進飲食半夏泡七
次四兩枯礬一兩爲末姜汁打糊或煮棗肉
和九梧子大每姜湯下十五九寒痰加丁香
五錢熱痰加寒水石煨四兩老人風痰大
肺熱不識入肺熱痰實不利半夏炮七次焙
硝石半兩爲末入白麵搗勻水和九菉豆大
每姜湯下五十九 隔壅風痰半夏半斤酸
漿浸一宿溫湯洗五十遍去惡氣日乾爲末
漿水搜作餅日乾再研爲末每五兩入生龍
腦一錢以漿水濃脚和九雞頭子大紗袋盛
避風處陰乾每服一九好茶或薄荷湯嚼下
搜風化痰定志安神利頭目半夏麴三兩
天南星炮一兩辰砂枯礬各半兩爲末姜汁
打糊九梧子大每服三十丸食後姜湯下
痰厥中風半夏湯泡三錢甘草炙一錢防風
一錢五分姜二十片水二盞煎服 風痰頭

暈嘔逆目眩面青色黃脈弦者生半夏生天
南星寒水石煨各一兩天麻半兩雄黃二錢
小麥麴三兩爲末水和成餅水煑浮起漉出
搗九梧子大每服五十九姜湯下極効亦治
風痰咳嗽二便不通風痰頭痛 風痰濕痰
半夏一斤天南星半兩各湯泡曬乾爲末姜
汁和作餅焙乾入神麴半兩白末末四兩杵
實末二兩姜汁麵糊九桐子大每服五十九
姜湯下 風痰喘逆元元欲吐眩暈欲倒半
夏一兩雄黃三錢爲末姜汁浸蒸餅九梧子
大每服三十九姜湯下已吐者加檳榔 風
痰喘急半夏湯洗七個甘草炙皂莢炒各一
寸姜二片水一盞煎七分溫服 上焦熱痰
咳嗽制過半夏一兩片黃芩末一錢姜汁打
糊九綠豆大每服七十九淡姜湯食後服
肺熱痰嗽制半夏栝樓仁各一兩爲末姜汁

打糊九梧子大每服二三十丸白湯下或以
栝樓瓢煮熟九熱痰咳嗽煩熱面赤口燥
心痛脉洪數半夏天南星各一兩黃芩一兩
半爲末姜汁浸蒸餅九梧子大每服五七十
丸食後姜湯下小兒痰熱咳嗽驚悸半夏
南星等分爲末牛膽汁和入膽內懸風處待
乾蒸餅九菘豆大每姜湯下三五丸濕痰
咳嗽而黃體重嗜臥驚兼食不消脉緩者半
夏南星各一兩白朮一兩半爲末薄糊九梧
子大每服五七十丸姜湯下氣痰咳嗽面
白氣促酒浙惡寒愁憂不樂脉濇者半夏南
星各一兩官桂半兩爲末糊九梧子大每服
五十丸姜湯下小結胸痛正在心下按之
則痛脉浮者半夏半升黃連一兩栝樓實大
者一個水六升先煮栝樓至三升去滓內二
味煮取二升分三服濕痰心痛喘急者半

群芳譜

卷三 藥譜

三

夏油炒爲末粥糊九綠豆大每服二十九姜
湯下急傷寒病半夏四錢生薑七片酒一
盞煎服結痰不出語音不清年久者半夏
半兩桂心一字草烏頭半字爲末姜汁浸蒸
餅九芩子大每服一丸夜臥含嚙停痰冷
飲嘔逆半夏水煮熟陳橘皮各一兩每服四
錢生薑七片水二盞煎一盞溫服停痰留
飲胸膈滿悶氣短惡心飲食不下或吐痰水
半夏泡五兩茯苓三兩每服四錢姜七片水
一鍾半煎七分甚捷徑支飲作嘔嘔家本
渴不渴者心下有支飲也或似喘不喘似嘔
不嘔似噦不噦心下憤憤半夏泡七次半升
生薑半升水七升煮一升五合分服噦逆
欲死及疽瘡噦氣方俱同上嘔噦眩憤穀
不得下半夏一升生薑半升茯苓三兩切水
七升煎一升半溫服心下悸忪半夏麻黃

等分爲末蜜丸小豆大每服三十九日三
傷寒乾嘔半夏熟洗研末生姜湯服一錢七
嘔逆厥逆內有寒痰半夏一升洗滑焙研
小麥麴一升水和作彈丸水煮熟初吞四五
枚日三服稍增至十五枚旋煑旋吞覺病減
再作忌羊肉錫糖 嘔吐反胃半夏三升人
參三兩白蜜一升水一斗二升和揚之一百
二十遍煑取三升半溫服一升日再服亦治
膈間支飲 胃寒噦逆停痰留飲半夏湯泡
炒黃二兩藿香葉一兩丁皮半兩每服四錢
木一盞姜七片煎服 小兒吐瀉脾胃虛寒
齊州半夏泡七次陳粟米各一錢半姜十片
水盞半煎八分溫服 小兒痰吐或風壅所
致或咳嗽發熱飲食卽嘔半夏泡七次半兩
丁香一錢以半夏末水和包丁香用麴重包
煨熟去麴爲末生姜自然汁和丸麻子大每

群芳譜

卷三 藥譜

天

服二三十丸陳皮湯下 妊娠嘔吐半夏二
兩人參乾姜各一兩爲末姜汁麴糊丸梧子
大每飲服十九日三服 霍亂腹脹半夏桂
等分爲末水服方寸匕 小兒腹脹半夏末
少許酒和丸粟米大每服二丸姜湯下不瘥
加之或以火炮研末姜汁調貼臍亦佳 黃
疸喘滿小便自利不可除熱半夏生薑各半
斤水七升煑一升五合分兩服有人氣結而
死心下暖以此少許入口遂活 伏暑引飲
脾胃不利半夏醋煑一斤茯苓半斤生甘草
半斤爲末姜汁麴糊丸梧子大每服五十丸
熱湯下 老人虛秘冷秘及疝瘕冷氣半夏
炮炒生硫黃等分爲末自然姜汁煑糊丸梧
子大每空心溫酒下五十丸 失血喘急吐
血下血崩中帶下喘急痰嘔中滿宿痰半夏
槌扁姜汁和麴包煨黃研末米糊丸梧子大

每服三十九白湯下 白濁遺半夏二兩
洗十次切破以木香猪苓二兩同炒黃出火
毒去猪苓入煨過牡蠣一兩以山藥糊丸梧
子大每服三十九枚苓湯送下腎氣閉而一
身精氣無所管捩妄行而遺者宜用此方盖
半夏有利性猪苓導水使腎氣通也與下元
虛憊者不同 入般頭風半夏末入百草霜
少許作紙撚燒烟就鼻內嚙之口中含水有
涎吐去再含見效 少陰咽痛生瘡不能言
語聲不出半夏七枚打碎雞子一枚頭開一
竅去黃納苦酒令小滿入半夏在內以銀子
坐于炭火上煎三沸去滓置杯中時時嚙之
極驗未瘥更作 喉痺腫塞生半夏末嚙鼻
內延出効 骨哽在咽半夏白芷等分爲末
水服方寸七當嘔出忌羊肉 重舌木舌脹
大塞口半夏煎醋含漱之又方半夏二十枚

群芳譜

卷三 藥譜

五九

水煮過再泡片時乘熱以酒一升浸之密封
良久熱漱冷吐之 小兒顛陷乃冷也水調
半夏末塗足心 面上黑氣半夏焙研米醋
調敷不可見風不計遍數從早至晚如此三
日皂角湯洗下面瑩如玉 癩風眉落生半
夏半尿燒焦等分爲末自然姜汁日調塗
盤腸生產子腸不收者半夏末頻嚙鼻中則
上 產後暈絕半夏末冷水和丸大豆大納
入鼻中卽愈 小兒驚風生半夏一錢皂角
半錢爲末吹少許入鼻卽甦 卒死不寤半
夏末吹鼻中卽活 五絕急病一曰自縊二
曰墻壓三曰溺水四曰鬼魅五曰產乳並以
半夏末納豆大一丸入鼻中心溫者一日可
活 癰疽發背及乳瘡半夏末雞子白調塗
之 吹乳腫痛半夏一個煨研酒服立愈一
方以末隨左右嚙鼻効 打撲瘀痕水調半

夏末塗之一宿卽沒 遠行足趺方同上
金亦不出入骨脉中者半夏白蘞等分爲末
酒服方寸七日三服二十日自出 飛虫入
耳生半夏末麻油調塗耳門外 蝎蠶螫人
半夏末水調塗之立止 蝎瘦五孔相通者
半夏末水調塗之日二 咽喉骨鯁半夏白
芷等分爲末水服方
寸七當嘔出忌羊肉

牽牛

一名草金鈴 名盆甌草一名狗耳草一

名白丑黑丑蔓生有黑白二種處處有之黑
者尤多二月種子生苗作藤蔓遶籬墻高者
二三丈蔓有白毛斷之有白汁葉青三尖如

群芳譜

卷三

藥譜

三

楓葉花不作瓣如旋花而大碧色其實有蒂
累之生青枯白核與棠棣子核相似但深黑
耳白者蔓微紅無毛有柔刺斷之有濃汁葉
圓有斜尖並如山藥莖葉花淺碧蒂紅色核
白色稍粗其嫩實蜜煎爲果名天茄氣味苦
寒有毒治水氣在肺喘滿腫脹下焦鬱遏腰
背脹腫大腸風秘氣秘卓有殊功但病在血
分及脾胃虛弱而痞滿者則不可取快一時

及常服致傷元氣

○修治

凡採得子晒乾水淘去浮者再晒并酒蒸從巳至未晒乾收之臨用春去黑皮今多只碾取頭末去皮麩不用亦有半生半熟用者

○療治

搜風通滯牽牛子以童尿浸一宿長流水上洗半日生絹袋盛掛風處令乾每日益湯下三十粒極能搜風亦消虛腫久服令人體清瘦 三焦壅塞胸膈不快頭昏日眩涕唾痰涎精神不爽利膈凡用牽牛子四兩半生半炒不唾皂莢酥炙二兩為末生姜自然汁煮糊和丸梧子大每服二十九荆芥湯下 一切積氣宿食不消黑牽牛頭末四兩薤蔔剉空安末蓋定紙封蒸熟取出入白豆蔻末一錢搗丸梧子大每服一二十九白

群芳譜

卷三 藥譜

湯下 男婦五般積氣成聚用黑牽牛一斤生搗末入兩餘滓以新瓦炒香再搗取四兩煉蜜丸梧子大至重者三五丸陳皮生姜煎湯臥時服半夜未動再服三十九當下積聚之物尋常行氣每服十九甚効 胸膈食積牽牛末一兩巴豆霜三箇研末水丸梧子大每服二三十丸食後隨所傷湯下 追虫取積方同上酒下亦消水腫 腎氣作痛黑白牽牛等分炒為末每服三錢用猪腰子切縫入茴香百粒川椒五十粒摻牽牛末入內扎定紙包煨蒸空心食之酒下取出惡物効 傷寒結胸心腹硬痛用牽牛頭末一錢白糖化湯凋下 大便不通牽牛子半生半熟為末每服二錢姜湯下未通再以茶服一方加大黃等分一方加檳榔等分 大腸風秘結瀉牽牛子微炒搗頭末一兩桃仁去皮尖麩

炒半兩爲末熟蜜丸梧子大每湯服三十九
水蠱脹滿白黑牽牛各取頭末二錢大麥
麩四兩和作燒餅臥時烙熟食之以茶下降
氣爲驗 諸水飲病張子和云病水之人如
長川泛溢非杯杓可取必以神禹決水之法
治之故名禹功散用黑牽牛頭末四兩茴香
一兩炒爲末每服一二錢以生姜自然汁調
下當轉下氣也 陰水陽水黑牽牛頭末三
兩大黃末三兩陳米飯鍋糕一兩爲末糊丸
梧子大每服五十九姜湯下欲利服百丸
水腫尿瀦牽牛末每服方寸七以小便利爲
度 濕氣中滿足脛微腫小便不利氣急欬
嗽黑牽牛末一兩厚朴製半兩爲末每服二
錢姜湯下或臨時水丸每棗湯下三十九
水氣浮腫氣促坐臥不得牽牛子二兩微炒
搗末以烏牛尿浸一宿平旦入葱白一握煎

群芳譜

卷三 藥譜

三三

十餘沸空心分二服水從小便中出 風毒
脚氣捻之沒指者牽牛子搗末蜜丸小豆大
每服五丸生姜湯下取小便利乃止亦可吞
之 小兒腫病大小便不利黑白牽牛各二
兩炒取頭末并華水和丸菘豆大每服二十
丸蘿蔔子湯下 小兒腹脹水氣流腫膀胱
實熱小便赤瀦牽牛生研一錢青皮湯空心
下一加木香減半丸服 疝氣浮腫常服自
消黑白牽牛各半生半炒取末陳皮青皮等
分爲末糊丸菘豆大三歲兒服二十九米湯
下 疝氣攻胃耳聾陰腫牽牛末一錢豬腰
子半個去膜薄切摻入內加少鹽濕紙包煨
空心食 小兒雀目牽牛子末每以一錢用
羊肝一片同麩作角子一個炙熟食米飲下
風熱赤眼白牽牛末以葱白煮研丸菘豆
大每服五丸葱湯下服訖睡半時 面上風

子黑色正
如椒小核

刺黑牽牛酒浸三宿為末先以姜汁擦面後用藥塗之面上粉刺癩子如米粉黑牽牛

末對入面脂藥中日日洗之面上雀斑黑牽牛末鷄子清調夜傳且洗小兒急驚肺

脹喘滿胸高氣急脇縮鼻張悶亂欬嗽煩渴痰潮聲啞俗名馬脾風不急治死在旦夕白

黑牽牛牛生牛炒大黃煨檳榔各取末一錢每用五分密湯調下痰盛加輕粉一字各牛

黃奪命散小兒夜啼黑牽牛末一錢水調傳臍上即止臨月滑胎牽牛子一兩赤土

少許研末覺胎轉痛時白榆皮煎湯下一錢小便血淋牽牛子二兩牛生牛炒為末每

服二錢姜湯下良久熟茶服之腸風瀉血牽牛五兩牙皂三兩水浸三日去皂以酒一

升煮乾焙研末蜜丸梧子大每服七丸空心酒下日三服下出糞物不妨病減後日服五

丸米飲下痔漏有蟲黑白牽牛各一兩炒為末以猪肉四兩切碎炒熟蘸末食盡以白

米飯三匙壓之取下白虫為効又方白牽牛頭末四兩沒藥一錢為細末欲服藥時先

日勿夜飲次早空心將猪肉四兩炙切片蘸末細細嚼食取下膿血為効量人加減忌酒

食油膩三日漏瘡水溢乃腎虛也牽牛末二錢牛入切開猪腎中竹葉包定煨熟空心

食溫酒下濕熱頭痛黑牽牛七粒砂仁一粒研末并華水調汁仰灌鼻中待涎出即愈

○典故

李時珍云一宗室夫人平生苦腸結旬日一行甚於生產服養血潤燥藥則泥

膈服硝黃通利藥若罔知如此三十餘年時珍脉其人体肥膏梁而中多鬱日吐酸痰益

許乃寬又多火病此三焦之氣壅滯有升無降津液皆化為痰飲不能下滋臟腑非血燥

借腎入腎惡水既泄不復淋漓

比也潤劑留滯硝血徒入血分不能通氣俱
爲痰阻故無効乃用牽牛未皂角膏丸與服
卽便通利精爽能食蓋牽牛走氣分通三焦
氣順則痰逐飲消上下通利矣 柳喬素多
酒色病下極脹痛二便不通不能坐臥立哭
呻吟者七晝夜用通利藥不効予思此濕熱
之邪壅脹精道在二陰之間故前阻小便後
阻大便病不在太陽膀胱也乃用揀實茴香
穿山甲諸藥牽牛加倍水煎一服而減三服
而平牽牛能達右腎命門走精道惟李明之
知之故其治下焦陽虛天真丹用之深得補
瀉兼施之妙 治脾濕太過通身浮腫喘不
得臥腹脹如鼓海金沙散亦以牽牛爲君

景天

一名慎火一名戒火一名護火草一名辟

火人多種於石山上二月生苗脆莖微帶黃
赤色高一二尺折之有汁葉淡綠色光澤柔
厚狀似長匙頭及胡豆葉而不尖夏開小白
花結實如連翹而小中有黑子如粟其葉味
苦平無毒治大熱火瘡諸蠱寒熱療金瘡止
血除熱狂赤眼頭痛寒熱游風女人帶下可
煨硃砂苗葉花並可用葉煮熟水淘可食南
北皆有人家多種於中庭或盆栽置屋上以

防火極易生折枝置上中澆灌旬日便活

○附錄

廣州有慎火樹大三
四圍即景天也

木草

○療治

驚風煩熱慎火草煎水浴之 小兒中
風汗出一日頭項腰熱二日手足不屈

用慎火草半兩麻黃丹參白朮各二錢半為
末每半錢漿水調服三四歲各一錢 嬰孺

風疹在皮膚不出及熱瘡丹毒慎火苗葉五
大雨和鹽三大兩同鹽絞汁以熱手摩塗日

再 熱毒丹瘡慎火草搗汁拭之日夜一二
十遍一方入苦酒搗泥塗之 烟火丹毒從

兩股兩脇起赤如火景天草真珠末一兩搗
如泥塗之乾則易 漆瘡作癢授慎火草塗

之 眼生花翳溫痛難開景天草搗汁日點
三五次 產後陰脫慎火草一斤陰乾酒五

群芳譜

卷三 藥譜

三五

升莢一升
分四服

戟精草

一名文星草 一名戴星草 一名流星草

叢生處處有之收穀後生荒田中穀之餘氣

也葉似嫩穀秧抽細莖高四五寸莖頭有小

白花點點如亂星九月採花陰乾辛溫無毒

治頭風痛目盲翳膜痘後生翳目中諸病加

而用之良明目退翳功在菊花上餒馬令肥

主垂顙毛焦病又有一種莖硬長有節根微

赤出秦隴

○療治 偏正頭痛穀精草一兩為末白麩糊調

攤紙上貼痛處乾換又穀精草末銅綠

各一錢硝石半分隨左右啗鼻 鼻衄不止

草防風等分為末米飲服甚効 目中翳膜穀精

癩濕多淚穀精草為末柿或猪肝片蘸食一

方加蛤粉等分人猪肝內煑熟日食之 小

見雀盲羯羊肝一具不見水竹刀割開入穀

精草一撮瓦罐煑熟日食屢効 忌鐵器炙熟

作丸每茶下三十九 小兒中暑吐瀉煩渴

燒存性器覆候冷 為末米飲服半錢

苧麻處處有之夏生苗莖中空有節色或赤或

祥芳譜

卷三 藥譜

三五

白葉如瓠葉凡五尖夏秋間極中抽出花穗

纍纍黃色每枝結實數十顆上有軟刺如蝟

毛一顆三四子熟時破殼子大半指皮有白

黑紋亦有白紫紋者形微長而末員頭上小

白點遠視之儼如牛蠅皮中有仁色嬌白甘

辛平有毒氣味頗近巴豆善走能利人通諸

竅經絡下水氣治偏風失音口禁口目喎邪

頭風七竅諸病止諸痛消腫追膿拔毒催生

苧亦作燒
牛蟲也

下胞衣下有形諸物無刺者良有刺者毒此
藥外用屢奏奇功但內服不可輕易凡服蓖
麻終身不得食炒豆犯之脹死其油服丹砂
粉霜或言搗膏以筋點六畜舌根下卽不能
食點肛內卽下血死今北方人種之田邊牛
馬過者不食其毒可知

○修治

凡使以鹽湯煮半日去皮取仁研用
取油仁五升搗爛水一斗煮沫起撇取
符沫盡去水將沫熬至點燈不炸滴
水不散爲度可和印色及油紙用

群芳譜

卷三 藥譜

三七

○辯訛博落廻

生江南山谷莖葉如蓖麻莖空
吹之作聲折之有黃汁大毒不

可入口藥人立死治惡瘡癰瘤瘰癧肉瘡瘦白
癩風蠱毒溪毒精魅此藥和百丈青雞桑灰
等分爲末傅之盡
毒精魅當別有法
黑天赤利子 似蓖麻綠在
地萋上是類

兩頭尖
有毒

○療治

半身不遂失音不語取蓖麻油一升酒
一斗銅鍋盛油着酒中一日煮之令熟

細細服之 口目喎斜蓖麻子仁搗膏左貼
右右貼左卽正一方蓖麻子仁七七粒研作
餅右喎安左手心左喎安右手心以銅盂盛
熱水坐藥上冷卽換五六次卽正一方用蓖
麻子仁七七粒巴豆十九粒射香五分作餅
如土絹 風氣頭痛不可忍者乳香蓖麻仁

群芳譜

卷三 藥譜

三五

等分搗餅隨左右貼太陽穴解髮出氣甚驗
 又方用蓖麻油紙剪花貼太陽亦効又方蓖
 麻仁半兩棗肉十五枚搗塗紙上捲筒插入
 鼻中下清涕即止 八種頭風蓖麻子剛子
 各四十九粒去殼雀腦芎一大塊搗如泥糊
 九彈子太線穿掛風處陰乾用時先將好茶
 調成膏子塗盞內後將炭火燒前藥烟起以
 盞覆之待烟盡以百沸葱湯點盞內茶藥服
 之後以綿被裹頭臥汗出避風 鼻塞不通
 蓖麻子二三百粒大棗去皮一枚搗勻綿裹
 塞之一日 易三十日開香臭 小兒疳疾
 及諸病後天柱骨倒乃體虛所致宜生筋散
 貼之木鱉子六個去殼蓖麻子六十粒去殼
 研勻先包頭擦項上令熱以津調藥貼之
 舌上出血蓖麻仁油紙燃燒烟薰鼻中自止
 舌脹塞口蓖麻仁四十粒去殼研油塗紙

上作燃燒烟薰之未退再薰以愈為度有人
 舌腫出口外一村人用此法而愈 急喉痺
 寒牙關緊急不通用此即破蓖麻子仁研爛
 紙卷作筒燒烟薰吸即通或只用油作燃尤
 妙 咽中瘡腫蓖麻子仁一枚朴硝一錢同
 研新汲水服之連進二三服効 水氣脹滿
 蓖麻子仁研水三合清旦一頓服盡日中當
 下青黃水或云壯入止可服五粒 腳氣作
 痛蓖麻仁七粒研爛同蘇合香九貼足心痛
 即止 小便不通蓖麻仁三粒研細入紙燃
 丙插入莖中即通 齁喘咳嗽蓖麻仁炒熟
 揀甜者食之須多服見効終身不可食炒豆
 催生下胞蓖麻仁七粒研膏塗足心若胎
 及衣下便速洗去不爾則子腸出即以此膏
 塗頂則腸自入 產難取蓖麻子十四枚每
 手各把七枚須臾立下 子宮脫下蓖麻仁

枯礬等分爲末安紙上扎入仍以蓖麻子仁十四枚研膏塗頂心卽入盤腸生產塗頂方同上 催生下胎不拘生死胎蓖麻二個巴豆一個麝香一分研貼臍中并足心一方 催生一月一粒溫酒吞下 一切毒腫痛不可忍蓖麻子仁搗傅卽止 癘風鼻塌手指攣曲節間痛不可忍漸至斷落蓖麻子一兩去皮黃連一兩剉豆大以小瓶入水一升同浸春夏二日秋冬五日後取蓖麻子一枚劈破面東以浸藥水吞之漸加至四五枚微利不妨瓶中水盡更深兩月後喫大蒜猪肉試之如不發是効也若發動再服直候不發乃止 小兒丹瘤蓖麻子五個去皮研入麪一匙水調塗之甚効 瘰癧結核蓖麻子炒去皮每睡時服二三枚取効 生不可食炒豆燥癭惡瘡及蚊癩白膠香一兩瓦器溶化

去滓蓖麻子六十四個去殼研膏溶膠投之攪勻入油半匙頭至點水中試軟硬添減膠油得所以緋帛量瘡大小攤貼一膏可治三五癩 肺風面瘡起白屑或微有赤瘡用蓖麻子仁四十九粒白果膠棗各三粒瓦松三錢肥皂一個搗爲丸洗面用之良 面上雀斑蓖麻子仁蜜陀僧硫黃各一錢爲末用羊髓和勻夜夜傅之 髮黃不黑蓖麻子仁香油煎焦去滓三日後頻刷之 耳卒聾閉蓖麻仁一百大棗十五枚搗爛入乳小兒乳汁和丸作挺每以綿裹一枚塞之覺耳中熱爲度一日一易二十日差 湯火灼傷蓖麻仁蛤粉等分研膏湯傷以油調火灼以水調塗 鍼刺入肉蓖麻仁一兩先以帛襯傷處敷之頻看若見刺出卽拔去恐藥緊努出好肉或加白梅肉同研亦好 竹木骨鯁蓖麻仁

兩凝水石二兩研勻每以一捻置舌根喻
嚙自然不見又方蓖麻油紅麩等分研細沙
糖九皂子大綿裹含嚙夾出大良 雞魚骨
鯁蓖麻仁百藥煎研勻彈子大井花水化下
半丸卽下 惡犬咬傷蓖麻仁五十粒井花
研膏先以鹽水洗痛處貼之 齶喘痰嗽用
九尖蓖麻葉三錢入飛過白礬二錢以猪肉
四兩薄批摻藥在內荷葉裹之文武火煨熟
細嚼白湯送下 欬嗽延喘不問年深日近
用經霜蓖麻葉經霜桑葉御米殼蜜炒各一
兩爲末蜜丸彈子大每服
一丸白湯化下日一服

○典故

一人病偏風手足不舉用此油及羊脂
麝香鯪鯉甲等煎作摩膏日摩數次月
餘漸復兼服搜風化痰養血之劑三月而愈
一人病手臂上一塊腫痛蓖麻仁搗膏貼

群芳譜

卷三

藥譜

之一夜愈 一人病氣鬱偏頭痛蓖麻仁同
乳香食鹽搗煨太陽穴一夜愈 一婦產後
子腸不收搗仁貼
丹田一夜而上

王瓜

一名土瓜 一名野甜瓜 一名馬爬瓜 一名

赤雹子 一名老鴉瓜 一名師姑草 一名公公

其實似瓜
或云根味
如瓜作呂
氣故名瓜

鬚月令四月王瓜生卽此四月生苗其蔓多

鬚嫩時可茹葉圓如馬蹄而有尖面青背淡

澀而不光五六月開小黃花花下結子如彈

丸徑寸長寸餘上微圓下尖長生青七八月

熟赤紅色皮粗澀根如栝樓根之小者用須
深掘二三尺乃得正畏江西人栽以沃土取
根作蔬食如山藥南北二種微有不同若療
黃疽破血南者大勝

○根

苦平無毒治天行熱疾酒黃心胸煩熱消
瘀血破癥瘕利大小便治面黑面瘡落胎

子

酸苦平無毒生用潤心肺治黃病炒用治
肺痿吐血腸風瀉血赤白痢反胃吐食

○療治

小兒發黃土瓜根生搗汁三合與服不
過二次黃疽變黑醫所不能治用土
瓜根汁平旦溫服一小升午刻黃水當從小
便出不出再服小便如泔乃腎虛也用王

群芳譜

卷三 藥譜

三

瓜根一兩白石脂二兩兔絲子酒浸二兩桂

心一兩牡蠣粉一兩爲末每服二錢大麥粥

飲下小便不通土瓜根搗汁入少水解之

筒吹入下部大便不通上方吹入肛門內
二便不通前後吹之取通乳汁不下土瓜

根爲末酒服一錢一日二服經水不利帶
下小腹滿或經一月再見及婦人陰癩土瓜名土瓜根

根芍藥桂枝麤蟲各三兩爲末酒服方寸匕散

日三服一切漏疾土瓜根搗敷之燥則易

中諸蠱毒土瓜根大如指長三寸切以酒

半升漬三宿服當下面上癬瘡土瓜根
搗末漿水和勻入夜別以漿水洗面塗藥且

復洗之百日光彩射人曾用有效耳聾濕
土瓜根削半寸塞耳內以艾炙七壯每旬一

灸愈乃止消渴飲水飽瓜去皮每食後嚼
二三兩五七度瘡傳尸勞瘵王瓜焙爲末

每酒服一錢入好棗肉平胃散末二錢酒服
食卽可下卽野甜瓜北方多有之 痰熱頭
風懸栝樓一個赤雹兒七個焙牛旁子焙四
兩爲末每食後茶或酒服三錢忌動風發熱
之物 筋骨痛攣馬雹兒子炒開口爲末酒
服一錢日二服 赤目痛瀉不可忍土瓜瓠
九月十月采日乾槐花炒赤芍藥等分爲末
每服二錢隔臥溫酒下 瘀血作痛赤雹兒
燒存性研末無灰酒空心服二錢 大腸下
血王瓜一兩燒存性地黃二兩黃連半兩爲
末蜜丸桐子大
米飲下三十九

麻黃

一名龍沙一名卑相一名卑鹽近汴京多
有之以出榮陽中牟者爲勝春生苗至五月

則長及一尺稍上開黃花結實如皂角子味
甜微有麻黃氣外皮黃裏仁黑根皮色赤黃
長者近尺俗說有雌雄二種雌者三四月開
花六月結子雄者無花不結子微苦而辛性
熱而輕揚治中風傷寒頭痛溫瘧發表出汗
去邪熱止欬逆除寒熱破癥瘕去營中寒邪
泄衛中風熱療傷寒解肌第一藥也過用洩

真氣

不可用酒調加非式發熱
一發入收毒肉不詳

○修治

立秋後收莖陰乾去節及根水煮十餘沸竹片掠去沫沫令人煩節能止汗

○製用

服麻黃自汗不止冷水浸髮仍用撲法卽止凡服麻黃須避風一日不爾病

復作須佐以黃芩無赤眼之患

○療治

天行熱病初起一二日者麻黃一大兩去節水四升煮去沫取二升去滓着米

一匙及豉爲稀粥先以湯浴後乃食粥厚覆取汗卽愈傷寒雪煎麻黃十斤去節杏仁

四升去皮熬大黃一斤十二兩先以雪水五碩四斗漬麻黃於東向竈釜中三宿後納大

黃攪勻桑薪煮至二碩去滓納杏仁同煮至六七斗絞去滓置銅器中更以雪水三斗合

煎至二斗四升藥成丸如彈子大有病者以沸白湯五合研一丸服之立汗出不愈再服

群芳譜

卷三 藥譜

大星

一丸封藥勿令洩氣傷寒黃疸表熱者麻

黃醇酒湯主之麻黃一把去節綿裹美酒五升煮至半升頓服取小汗春月用水煎裏

水黃腫一身及目黃腫其脈沉小便不利甘草麻黃湯主之麻黃四兩水五升煮去沫入

甘草二兩煮取三升每服一升重覆汗出不汗再服慎風寒有患氣急不差變成水病從

腰以上腫者宜此發其汗水腫脈沉屬少陰其脈浮者爲氣虛脹者爲氣實非水也麻

黃附子湯汗之麻黃三兩水七升煮去沫入甘草二兩附子炮一枚煮取二升半每服八

分日三服取汗風痺冷痛麻黃去根五兩桂心二兩爲末酒二升慢火熬如錫每服一

匙熱酒調下汗出爲度避風小兒慢脾風因吐瀉後而成麻黃長五寸十個去節白朮

指面大二塊全蝎二個生薄荷葉包煨爲末

二歲以下一字三歲以上半錢薄荷湯下
產後腹痛及血下不盡麻黃去節爲末酒服
方十七一日二三服血下盡卽止 心下悸
病半夏麻黃等分末之煉蜜丸小豆大每飲
服三九日三服 痘瘡倒靨鄭州麻黃去節
半兩蜜一匙同炒良久水半升煎數沸去沫
再煎去三分之一去滓乘熱服之避風其瘡
復出也一法用無灰酒煎其効更速仙源縣
李用之子病斑瘡風寒倒靨已困用此一服
便出如神 中風諸病麻黃一斤去根以王
相日乙卯日取東流水三石三斗淨鎊盛五
七斗先煮五沸掠去沫逐漸添水盡至三五
斗去麻黃澄定濾去滓取清再熬至一斗再
澄再濾取汁再熬至升半爲度蜜封收之一
二年不妨每服一二匙熱湯化下取汗熬時
要攪勿令着底恐焦仍忌雞犬陰人見此秘

群芳譜

卷三 藥譜

四

方也 益汗陰汗不止麻黃根椒目等分爲
末每服一錢無灰酒下外用麻黃根牡蠣故
蒲扇爲末撲之 小兒盜汗麻黃根三分故
蒲扇灰爲末以乳服三分日三服仍以乾姜
三分同麻黃根三分爲末撲之 諸虛自汗
夜臥卽甚久則枯瘦黃芪麻黃根各一兩牡
蠣米泔浸洗煨過爲散每服五錢水二盞小
麥百粒煎服 又方麻黃根黃芪等分爲末
飛麩糊作丸梧子大每用浮麥湯下百丸以
止爲度 產後虛汗黃芪當歸各一兩麻黃
根二兩每服一兩煎湯下 陰囊濕瘡腎有
勞熱麻黃根石硫黃各一兩米粉一合爲末
敷之 內外障翳麻黃根一兩當歸身一錢
同炒黑入射香少許爲末嚙鼻頻用皆効

○典故

李時珍云一婦自腰以下脹腫面目赤
腫喘急欲死不能伏枕大便溇泄小便

微炒各一錢三分水二盞酒半盞煎二盞水中沉冷連進二服立効活人書香薷二錢八分厚朴一錢四分黃連七分姜汁同炒黃色用 水病紅腫乾香薷五十斤剉入釜中水淹過三寸煮使氣力都盡去滓澄之微火煎至可丸九梧子大一日五九日三服日漸增之小便利則愈 暴水風水氣水通身皆腫服至小便利為効香薷葉一斤水一斗熬極爛去滓再熬成膏加白朮末七兩和丸梧子大每服十九米飲下日五夜一服 四時傷寒不正之氣用水香薷為末熟酒調服一二錢取汗 心煩脇痛連膈欲死者香薷搗汁一二升服 鼻衄不止香薷研末水服一錢 舌上出血如鑽孔者香薷煎汁服一升日三服 口中臭氣香薷一把煎汁含之 小兒髮遲陳香薷二兩水一盞煎三分入猪脂

半兩和勻日日塗之 白香 擦痛上方入胡粉和塗之

紫蘇

一名赤蘇 一名桂荏 又一種白蘇皆二三

月下種或宿子在地自生莖方葉圓而有尖四圍有鉅齒肥地者面背皆紫瘠地背紫面青其面背皆白即白蘇也五六月連根收採以火煨其根陰乾則經久葉不落八月開細紫花成穗作房如荊芥穗九月半枯時收子子細如芥子而色黃赤莖葉子俱辛温無毒

氣辛入氣分色紫入血分解肌發表行氣寬

中消痰利肺和血温中止痛定喘開胃安胎

散風寒解魚鱗毒治蛇犬傷為近世要藥

○製用

葉生採作羹殺一切魚肉毒嫩時採葉和蔬茹之或塩及梅瀝作菹食甚香夏

月作熟湯飲

田畔近道可種蘇以遮六畜

收子打油燃燈甚明亦可熬之油物蘇

子油能采五金八石

丹房雜鏡照

子與葉

同功發散風氣用葉清利上下用子

香紫

蘇採蘇嫩心長三寸許勿見水約三斤用塩

二兩醃一宿梅瀝浸三日晒乾入甘草甘松

白芷末拌勻摻收之

製細酸紫蘇葉同茱

白青梅作絲入白糖曝乾細酸平時取咀嚙

群芳譜

卷三 藥譜

十七

之利疲結消五鬲

雲南紫蘇頭菜入梅醬

醃一日取出用糖浸可作佳蔬其子醋浸甚

爽酒

白蘇子乾收炒熟最香入糖

煎拌芝蔴均為佳品

俱宋氏種殖書

禁忌

宗命翰林院定湯飲以紫蘇熱水為第一取

其能下胸膈浮氣也不知久則瀉人真氣

○療治

感寒上氣蘇葉三兩橘皮四兩酒四升

水二升煮一升徐徐飲之

傷寒氣喘蘇一把

蘇葉煮汁二升入生姜豆豉同煮飲

卒啜

不止香蘇濃煮頓服三升良

霍亂脹滿未

得吐下生蘇搗汁飲之佳乾蘇煮汁亦可

諸失血病紫蘇不限多少入大鍋內水煎令

乾去滓熬膏以炒熟赤豆為末和左桐子大

每酒下三五十九常服

金瘡出血嫩紫蘇

跌撲損傷紫蘇搗敷瘡口

群芳譜

卷三 藥譜

十一

菝葜音
版活

菝葜

一名菝葜 一名蕃荷菜 一名南荷 一名吳

南薄荷以
別胡薄荷

菝葜一名金錢薄荷二月宿根生苗清明前

後分栽方莖赤色葉對生初生形長而頭圓

及長則尖人家多栽之吳越川湖多以代茶

蘇州以產儒學前者為佳辛温無毒利咽喉

口齒諸病治療癰瘡疥風癢癭疹去舌胎語

自合 傷損血出不止陳紫蘇葉蘆所出血
按爛敷之血不作膿且愈後無痕 風狗咬
傷紫蘇葉嚼敷之 蛇虺傷人紫蘇葉搗飲

食蟹中毒紫蘇煮汁飲子亦可 飛絲入

目令人舌上生泡紫蘇葉嚼爛白湯下 乳

癰腫痛紫蘇煎湯頻服并搗封之 欬逆短

氣紫蘇莖葉二錢人參一錢水一鍾煎服子

研汁粳米煮粥亦可 順氣利腸紫蘇子麻

子仁等分研爛水瀉取汁同米煮粥食 順

氣利腸寬中紫蘇子一升微炒杵以生絹袋

盛于三斗清酒中浸三宿少少飲之 一切

冷氣及風濕脚氣紫蘇子高良姜橘皮等分

蜜丸梧子大每服十九空心酒下 風寒濕

痺四肢攣急脚腫不可踐地紫蘇子二兩杵

碎水三升研取汁煮粳米二合作粥和葱椒

姜豉食 消渴變水服此冷水從小便出紫

蘇子蘿蔔子各炒三兩為末每服二錢桑根

白皮煎湯服日三 夢中失精蘇子一升炒

研末酒服方寸七日再 漏血欲死雞蘇煮

汁一升服 吐血下血雞蘇莖葉煎湯飲

澀止衄血塗蜂螫蛇傷療小兒驚熱

○收採 凡收薄荷須隔夜以糞水澆之雨後刈收則性涼不爾不涼野生者莖葉氣味

大畧相似

○製用 可生食同薤作羹相宜病薄荷勿食令人虛汗不止瘦弱人久食動消渴病

○療治 清上化痰利咽膈治風熱新瘡末煉蜜丸芡子大每噙一丸白沙糖和之亦可

風氣癢痒薄荷蟬蛻等分爲末每溫酒調服一錢 舌胎語蹇薄荷自然汁和白蜜姜

汁擦之 眼弦赤爛薄荷以生姜汁浸一宿曬乾爲末每用一錢沸湯泡洗 療癰結核

已破未破新薄荷二斤取汁皂莢一挺水浸去皮搗取汁銀石器內熬膏入連翹末半兩

群芳譜

卷三 藥譜

四十九

連白青皮陳皮黑牽牛半生各一兩皂

莢仁一兩半同搗和九梧子大每服三十九連翹湯下 衄血不止薄荷汁滴之或以乾

者水煮綿裹塞鼻 血痢不止薄荷葉煎湯常服 水入耳中薄荷汁滴入立効 蜂蟻

螫傷薄荷葉接貼之 因灸火火氣入內兩股生瘡汁水淋漓者

薄荷煎汁頻塗立愈

○麗藻詩七言

薄荷花開蝶翅翻風枝露葉弄秋妍自憐不及狸奴點爛醉離邊

不用錢 一枝香草出幽叢雙蝶紛飛戲晚風莫恨村居相識晚知名元向楚辭中

學蘭

一名虎蘭 一名水香 一名都梁香 一名龍

棗 一名虎蒲 一名風藥 一名孩兒菊 生下濕

地二月生苗一出土便分枝梗葉生如薄荷
微香七月開花紫白色亦似薄荷花此草可
煎油及作浴湯人家多種之氣香而溫味辛
而散治水腫塗癰毒破瘀血消癥瘕爲婦人
要藥

○修治

凡用取葉細剉絹袋盛
掛不見日處冷乾用

○療治

產後血虛浮腫防已等分爲末每服二
錢醋湯下小兒驚瘡嚼澤蘭心封之

良 瘡腫初起及損傷瘀腫澤蘭搗汁封之
良 產後及陰戶燥熱遂成翻花澤蘭四兩

群芳譜

卷三 藥譜

辛

煎湯薰洗二三次再
入枯礬煎洗卽安

大風

出海南諸番國生大樹狀如椰子而圓

中有核數十枚大如雷九子中有仁白色久
則黃而油不堪入藥大風仁辛熱有毒其油
治瘡有殺虫之功不可多服或至喪明用之
外塗功不可沒

○製用

大風子二三斤去殼及黃油者研極爛
盛磁器中封口嚴勿泄氣入滾湯蓋鍋

嚴文武火煎黑色如
膏各大風油聽用

